

光緒香山縣志

香山縣志卷十三

列傳

陳臨

漢

鄭愚

唐

梁杞

孫梁
以下宋

陳天悅

劉必從

劉中行

阮與子

馬南寶

高
齊

趙若舉

兄若椿

阮

子士桂
楊士
以下元

趙梅南

楊紹孫

弟仲玉

鄭榮叟

以下明

周尙文

孫慈堅

林茂

歐觀生

徐伯良

黃泗

鄭子綱

子善宏
孫光賢

楊餘蔭

父子
子願

容悌與

諸子汝
汝嘉孫

鄭倫

鄭宗維

子慈

黃仲翁

李英妙

梁富

盧瑞

何圖源

劉道延
高斗
本城

李誠

徐觀

黃瑜

鄭鴻

黃瑜

子廷珍

盧淵

鄭標烈

張金元

黃經

黃畿

黃佐

子在中在素

黃畹

陳禧

容師偃

何世睿

劉士騰

何派行

子份儼儼

楊維震

王綽

子廣祥

奈光裕

麥揮

郭紹鸞

子育敬

袁三接

楊應魁

何述忠

何述鉉

何述瓚

梁夢雷

子中興

鄭邦棧

王言

何若麟

何吾麟

唐政

陳儒厥

曹啟益

鄭士熙

麥德平

名士選

毛可珍

李孫宸

何藻

蕭萊鳳

子欽相
係立

繆士杰

子志文

何吾騶

梁思誠

子應秋

伍瑞隆

弟瑞俊

盧兆龍

梁國棟

鄭一岳

區大緯

陳應義

盧志中

何子美

何兆甯

劉涇

楊晉

漢

陳臨字子然南海人

黃通志云今廣州香山縣

家居海島奮志不同蠻俗

郡舉孝廉順帝永建中官至蒼梧太守推誠而理導民以孝

弟民有遺腹子爲其父報怨殺人者爲吏所獲臨知其無嗣

令其妻侍獄中後產一男郡人歌曰蒼梧府君恩廣大能令

死囚有後代德參古賢天報資

郭某傳人記

廣州先賢傳

部與歌部音相轉引彼留子嗟將其衣履施漢高祖歌橫絕

四海兮可奈何雖有綢繆將安施爲其施蓋音陀也然東漢

末年之音不可以古音及西漢初年之音論之

且古音代與資同部施字則不同部矣今不從獻帝建安中

被徵爲廷尉祝志云番禹志謂此紀年或誤陳隱於順帝永

寧延尉則年盈百餘矣順帝曾改元建康則建安始徵

然考之建康改元是年八月帝崩建康何不可云中也又

云當時惟許敬爲司徒時百餘歲增美而漢張永相若恐不

數數也此亦臆斷之辭似臨之陰德又烏知其不臻上壽耶

至暴志於順帝永建中書作永康中蓋永康爲順帝改元是

年帝崩亦不得云中誤寫無疑雖後之臨年壽差近殆不可

從申志並沒其後本郡以五月五日禰臨東城門上令小童

潔服舞之其後子孫蕃盛播於嶺徼世以爲陰德所致

黃佐廣州

唐

鄭隱家世殷富驕僮布滿谿谷皆執衣鼎食申愚幼穎力學

嘗作詩曰臺山初罷霧岐海正分流漁浦颺來箇鴻逵翼去
舟隱然有濟川之志識者知其公輔器文宗開成二年進士
擢第釋褐秘書省校書郎累遷尚書郎懿宗咸通初爲桂管
觀察使所至廉察吏弊閭境肅然三年嶺南西道節度使蔡
京奇慘淫刑爲邕州軍士所逐詔以愚代之廣州人制授邕
州刺史兼御史大夫稱其挺超卓之奇名蘊精剛之利器宣
布惠和棟材旂績已以相業期之矣秦吳興人時瘡痍嗷嗷
方撫循不暇會南詔入寇安南都護蔡襲告急勅發荆南湖
南兵二千桂管義兵三千詣邕州受愚節度而嶺南東道又
奏蠻兵必向邕州宜先保護未可馳赴乃勅愚分兵備禦而
所發諸道兵竟不進襲又奏求益兵愚支持半載邕州得無
虞朝廷復督責之愚乃自言儒臣無將略請任武臣於是詔

義武節度使康承訓代爲節度使發荆襄洪鄂四道兵萬人

與之俱亟往救襄則已無及矣承訓上言愚在鎮善禦守狀

朝廷始知其功卽召爲禮部侍郎咸通八年知貢舉舊制詩

賦多出古句爲題士習蹈成篇時謚放雲南子弟還國愚以

此試之士多閩粵及放榜鄭洪業第一人及第輿論咸頌其

公云秦泉集謂其召還也在信宗化前中當以侍駕進同中書門下平章事黃巢平後廣州殘

破僖宗中和初命愚出鎮南海以撫綏功召拜尚書左僕射

後三載愚薨無子廣州人詩文亦多故逸僅見一二皆奇作

也愚鎮廣時嘗於越王山構亭作記今不傳廣州人初愚

之佐桂也同平章事魏公崔鉉在荆南愚以鉉負海內重望

乃袖文卷著錦半臂謁之鉉訝愚自爲進士未嘗以文章及

門冀棄不視惟留夜飲愚辭出更衣賓從竊謂此去應是

其不稱爾既而復易紅錦就席尤加煥麗眾莫能測鉉固愚

出閱其所業歎賞至再曰真銷得錦半臂也

唐詩紀事配鄉賢

秦宗集云唐詩紀事謂恩唐末爲相而新舊史皆不書何哉蓋僖昭亂世史失其職故劉煦宋祁廬所據南阮運志云恩傳番禺香山二志並書而香山有南臺山石岐海恩詩及之其爲香山人無疑矣唐僖宗授鄭愚嶺南節度使制門下朕推穀求才登壇命將每於邊遠尤屬賢能況邑南地界鄉新新皮嶺外虞連歲創痍焚劫之餘上將聞藩兵甲繕完之始中懷所寄慎固尤難用銅壞接之仁往整律竭之旅具官鄭愚價高東序氣茂南薰挺超卓之奇名藉精剛之利器詞源獨溢其波瀾經笥莫窮其新畧佇自郊堂率秀儉府增華霜署諫垣聯翩翰郎曹史館洋溢聲光益部播揚戎卒之功商榷著條刺之跡博洽強志居無流心遠畧精能動有餘地日者熟其業用委以察廉果能宣布惠和講求利病纔報下軍之政已蘇閭境之人發爲歌謠流滿道路照以勸衛崇分零往共控夷蠻將以重城樓於南江壯嚴館於西道俾崇旄節用固驍陸而屬統馭有乖相繼生變或章既失城守已離宜得通敏之材以敷勞來之旨是用輟於鄰部授以軍麾載觀易地之能俾服揭旌之貴既悉帥倚倚長憲臺勉承顧遇之榮竹觀繫系之結可守邕州刺史兼御史大夫充嶺南西道節度觀察處置等使散官勳封如故主者施行

按祝志載此制作唐懿宗考全唐文作信宗今據改正祝志

宋

梁杞延福里人_{性醇謹好學通五經直郡庠仁宗慶歷六}

年登進士初爲連州司理讞獄詳明部使者薦爲桂陽令蒞

政以惠民爲本恤孤寡抑奸猾作陂池教種藝平賦役弭盜

賊庶務悉舉虔商有擾市廛者設方略毀逐之邑以大治

祐中遷比部員外郎尋以朝奉郎通判鄂州軍事俗尙巫鬼

爲置局醫斥去淫褻陋俗爲之一變_{熙寧初致仕與運判}

徐九思議立香山縣事不果行然自是之後竟成縣治鄉民

便之歆其端者杞也祀鄉賢_{張府志}是時海曲族望稱陳梁二

家前祀家塾尤著其裔孫現_{祝志云籍番禺明}理宗嘉熙二

年進士知南康_{祝志云累志選舉作知南安}作興學校較脩

增祭器暇講試諸生舉行射禮民皆懷之_{黃通志}

陳天覺字元英

陳氏族譜

紹興八年試博學宏詞科特賜進士第

議論切直爲時貴所黜乃不復仕時香山尙爲鎮止設寨官

一員

廣州人

屬於東莞歲輸糧莞城常被海寇

陳氏族譜

紹興二

十二年

天覺請改寨爲縣以便輸納

廣州人

東莞縣姚孝資

請州聞於朝

輿地紀勝

割南番東新四邑瀕海地爲縣詔從之天

覺以文學知名

廣州人

後築城建學邑人賴之祀鄉賢

張府志

天覺爲開縣之賢其舉詞科在紹興八年故選舉不以入表

而本傳則自陳臨以來皆載之以其現隸香山義各有取也

纂志稱天覺任朝政大夫考宋無此階阮通志以天覺附南海黃勳傳後又謂其所居鄉曰庫涌舊隸番禺今隸香山故

並見二邑志云考庫涌舊隸東莞不隸番禺又按陳氏族譜

天覺先居文順鄉蓋卽今縣城其長子彥曼始分居庫涌耳

志
劉必從始家仁山下性勇果有材以功授敦武校尉邕州副

將贈封其父中孚爲忠訓大夫兄必恭訓武校尉初建縣治

必從捐其祖居徙家長洲邑人義之

志申

劉中行良字都人任瓊州監押引諭生黎五百餘人歸款

志暴

初授秉義郎再授從義郎邕州左右江提舉後致政歸舍宅

地爲無量寺而終老於蒸常都南大涌

志申

阮與子亦坎人

志申

天性純篤讀書興大義早喪母事父元輔

盡孝德祐二年丙子五月父病劇旦夕稽顙北辰請以身代

開脇割肝取一瓣以療病病爲之瘥

志戴志

黃通志

里異之以其事達於有司經略使徐直諒資以二帛號所居

爲孝行坊將以上聞會師旅不果居五年父沒哀毀踰禮

志黃

祀鄉賢

志申

邑人黃佐曰嗚呼父母全而生之子全而

加人對與雖然世降俗薄同有悖逆其父母者矣以與子之

事親觀之而少知悖哉故論者原其一念愛親之誠可也

志申

馬南寶沙涌人

志申

家饒財能讀書好義尤工詩宋景炎二年

十月

厓山志作九月

端宗自潮之淺灣航海避敵過邑境南寶獻翼

千石以餉軍端宗茲獎之召拜權工部侍郎時帝舟爲元師

所迫十一月丞相陳宜中少傅張世傑殿前指揮使蘇劉義

奉帝幸沙衝暫宮於南寶家南寶竭力保衛帝躬勞瘁備至

元人無知者居數日元兵陷廣州諸將召募潮居里民數百

以行南寶謂諸將曰功成之日當以奉迎孝恭懿聖皇帝爲

先因欲諸將曰痛飲黃龍府在此行也遂歌岳武穆直擣

長驅之句以相風屬慷慨激烈聞者莫不壯之帝舟將復駐

淺灣未至元將哈刺歹及宣府梁雄飛招討王天祿等來襲

世傑等與戰於香山島敗績將士被執甚眾陳宜中所統眾

尙數千人舟八百艘走秀山

即東莞虎頭山

中流大風壞舟眾多溺

死宜中僅以身免十二月張世傑奉帝舟退保秀山尋次於

井澳丙子颶風大作舟敗幾溺帝遂得驚悸疾旬餘諸兵士稍稍來集死者十四五元將劉深復襲井澳世傑力戰却之陳宜中欲奉帝走占城乃先往諭意遂逃去南寶聞之慟哭曰丞相必不返國事危矣後果然景炎三年春都統凌震復廣州南寶賦詩誌喜時帝舟次於化之碇洲視志云宋史二陳仲微二王本末云碇洲屬廣之東莞縣仲微隨二王航海事由目擊記載必確二王本末又云二月帝由海道回廣則更無次化之碇洲之理矣此云次於化之碇洲蓋傳聞之誤耳疾大作四月帝崩視志云萬景考作五衛王昺即位走厓山張世傑等從之而會潮子充月帝崩誤衛王昺即位走厓山張世傑等從之而會潮子充山陵使奉帝還殯南寶家僞爲梓宮出葬其實永福陵在厓山也南寶募人爲塚塚於香山南寶方赴厓山會阻病旦夕語未嘗忘也宋亡悲憤不食元人籍仕宋者南寶逃匿不降志云嘗作詩有曰目擊厓門天地改寸心難與夜潮消又曰

耿耿滄溟底恨不同歸一少微聞者哀之

廣東名勝記

已而元兵

欲屠潮居里人爲南寶危之而南寶恬不爲動後聞陳宜中

奉帝昺猶在占城元主忽必烈下令捕之於是招討使黎德

梁起華與南寶起兵運糧往迎車駕元萬戶王守信諭起華

歸降起華奔還馮村遂仕元至都元帥德與南寶討其叛兵

大敗南寶被執不屈死之

通志

祀鄉賢當端宗過境時有

隆都人高添者鄉貢維岳之子進士陳天覺女夫也嘗獻粟

二千石餉軍授宣義郎性忠義爲南寶所重從帝至碙州卒

於軍

採訪

趙若舉

祝志云一作樓

黃梁都人

志

本宋宗室有拳勇端宗景炎元

年航海若舉赴難授武翼大夫帶行在閣門宣贊舍人召募

潮居里民數百以勤王擢廣南東路兵馬鈐轄宋亡元張宏

範遣兵欲屠潮居里若舉力以一鄉民命爲請於是潮居里三百餘家賴以安堵黃通志兄若梓同時勤王抱祭器入山以存宗祀祝志

元

阮泳延福里人志世祖至元初領鄉薦爲邑學教諭遷惠州

路學教授學博行修一時視爲儀表工古文辭以韓歐爲宗

黃通志

子士桂同年領鄉薦亦以文行名志申其後同邑有趙梅

南楊士元者皆以詩翰名於時由泳倡之

黃通志按祝志於選舉門疑泳鄉

薦在宋入元爲教諭近於

趙梅南黃梁都人承節郎時鏐之孫邑令惲夫之裔

志申本宋

宗室善書翰浮游物外好品藻詩文嘗作潮居八景詩

祝志引

黃通志

同邑楊士元序之以爲因事陳詞氣嚴理正遂廣

和焉梅南往復辨論必求工而後已

張府志曰海山窮水盡之鄉

耕火種之俗蓋遠裔也僕生長於斯每風日晴明山川輝燭未嘗不登高望遠遊目之際偶與意會不書所見使其物跡遺論是林樾澗而耳因成八景詩以寄情勝不擬先生首闢一序并詩品題承轉付默齋先生仰塵匠石運斤成風斯泉竭之至繁者誠難受矧者亦不易昨蒙發至改本披味再四翫然其中微有一二不無疑焉所謂詩無定鵠會心是信矣又于竹徑構亭曰倚萊門榜云但存方寸有餘地不可一日無此君

中志自號意翁寓意佳山水隨在而樂頗尙空寂不仕

終

張府志

楊紹孫南門人

某志

宋提舉學事元規之曾孫也九歲卽能屬

文博極羣書擷其精蘊

楊氏家乘

性孝友好義敢爲

張府志與弟仲

玉同居家道豐裕迨分產業紹孫以其壤之沃者讓仲玉鄉

里高之

皮瑩撰記

兄弟均負奇志常究心韜鈴之略元泰定甲子

海寇黎靖海爲亂

仲志

仲玉挾策謁宣慰使叩雲谷於海上大

香山縣志

卷十三

列傳

元

奇之令仲玉從軍征勦仲玉與紹孫率勇士五百人赴軍門
親與賊戰梟其酋遂大破賊以親老辭歸侍養丙寅仲玉直
學與高元生輸財竭力倡修學校吳縣志至正歲饑紹孫與弟
仲玉捐穀五千餘石賑貸阮通志存活數萬人黃翰揚氏家乘序後歲
豐人爭償之紹孫曰推食者禮也周急者義也無禮無義謂
之悖德吾懼夫悖德之日滋也償之何爲悉辭不受家傳邑人
德之作亭於所居之南榜曰麗澤皮聖舉美亭記兄弟同祀忠義祠

張府志

光緒七年同祀鄉賢

採訪冊

明

鄭榮叟蓮塘人申志果敢有謀元末巨寇劫掠縣治宣差達魯
花赤朶羅歹力不能支乃率榮叟及邑人楊昆等移縣於
泰山屯守已而朶羅歹卒人心動搖有族人曰橋官溺死人

傳爲神樂吳授之以機卽迎禱之每寇至言見一紅衣人掠陣中鄉人奮勇百倍寇輒遁去築壘鑿堦據守一十八年龍潭賊盧實善等累攻不下洪武初征南將軍廖永忠率兵至乃奉籍歸附祀鄉賢

鄉志

周尙文字質善

通志

仁厚坊人

中志

作神涌鄉人

初遊邑泮以

顯售選入郡學從翰林侍制黃哲讀書番山清苦該博哲稱

靈之洪武十七年甲子領解額第一乙丑登進士明年選龍

溪丞在任公勤廉潔嘗修城西虎渡橋以便民請改鐵價爲

折鈔免遠運之害

通志

召爲御史未行坐事謫戍馴象衛時

同年狀元丁顯同成相與唱和超然自得其詩文以韓柳李

杜爲宗其孫慈堅讀書儒雅有祖風社中士子多師之

黃通志

正統間與楊餘蔭倡捐修學

陳建碑

年七十餘嘗爲鄉飲大賓

黃通志

黃哲折桂歌贈周尚文上春官番山亭亭讀書屋

蕭森古桂屯雲綠可憐芳樹著秋花西風吹吐黃金粟周郎今年二十餘築屋花邊勤讀書古詩研磨正風雅志節矯矯非凡儒秋來折得庭前桂揚袂先趨棘闕試襦袍直帶廣寒香名冠羣英三十二持書好去登春閣朝天弄舞生光輝洪恩更許南歸省燕清花間紫紵衣

林茂小黃圃人鄉里素不知學茂篤嗜不爲俗移發奮讀書文名大著移入郡學洪武庚午領鄉薦入監列上等改爲湖廣道御史擢刑部員外郎卓有政績所作詩雋永可喜人傳誦之

金通志

歐觀生仁厚坊人

申志

倜儻不羈博學工古文詩尤豪邁洪武

二十九年丙子鄉貢進士教授紹興以性傲忤當道左遷什

方典史歸年六十卒號梅軒有集今不傳

黃通志

徐伯良字顯人麻洲人九歲入邑庠十三食餼歷十年以通經貢成均永樂六年授都察院都事獻獄明允六載辭歸家

居怡然自樂屢舉鄉飲大賓壽八十三嘉靖間祀鄉賢

墓志

黃潤字惟清賦性仁明慈恕有古君子風

黃通志

參聚

永

樂丙申邑大飢穀價翔貴獨平糶貧者造門輒與之粟嘗有

峒民來易粟誤倍其值既去矣會其數過贏呼而還之曰掩

人之誤而利其有猶盜也吾豈爲哉正統末盜李千戶來攻

香山城城門閉者三月民有菜色爲粥以飼之子女有流離

者出金贖之歸其父母

泰泉集

所全活者凡數百人鄉人感其

德義言諸有司上其事泗力卻之卒葬邑南壽星塘

墓志

鄭子綱字秉常

張府志

一字雍陌洪化鄉人

鄭志云雍陌鄉古廟後其原名洪化

治經能文篤行好善事母孝

家譜

率鄉民共遵元尹左祥諭俗

三編凡鄉人詩章有及於奉先事親言孝敬者採而刻之題

曰孝弟集

申志

新會陳白沙有懷鄭雍陌詩邑人咸稱鄭雍陌

香山縣志

卷十三

列傳

明

十一

遂以號其鄉永樂間與修邑志捐貲修築天王橋邑宰鄧遷

表其門

諸家

子善宏字彥博成化丙戌壬辰捐穀五百石賑飢

舉鄉飲賓孫光賢字舜卿由拔貢任宜章縣告歸創建宗祠

捐資殫慮撥己田五十畝以奉祀事

志

楊餘蔭字樸菴邑諸生父子顏孝友信義人無間言嫁嫺於

之孤女四人葬其不能葬者三喪

志

餘蔭生七歲而孤及

長博涉經史尤通春秋大義

志

以母鄭氏孀守隱居讀書

娛親爲樂創建祀先之堂扁曰敬思撰序數百言以寓遺意

繼述之意

黃倫

母沒哀慟過甚廬墓三年止啖蔬菜常作思

親之什誦者輒爲流涕不忍卒讀

志

東莞少宗伯陳連嘉其

母子節孝作賢母傳

志

永樂間修邑志餘蔭嘗與容雲

鄒雍陌入局纂修虛長史嘗作四賢詩追軼之正統庚申與

周慈堅倡捐修學辛酉邑大饑捐穀三千石先是元至正間
歲飢餘萬四世祖紹孫與弟仲玉賑穀五千石邑人德之爲
望亭至是題曰繼美祀鄉賢縣子泳歲貢詔徵儒行官學錄
容德與字行白烏石人忠性醇厚學有行經長於書示
終中署儒學事聘修邑志士大夫咸推重之執弟子禮者無
不稱其家有禮男女各有學祀先謹祠堂之制嫁宗族孤女
或入母陳氏病風癱悌與躬侍湯藥十三年無頃刻懈及母
哀毀逾禮邑人稱爲孝行先生自經學外工吟咏別號雲
嵐所著有雲嵐集數卷卒年七十有七黃通祀鄉賢志諸子
汝勤汝嘉並以醇篤聞汝嘉生平足不履城市壽八十有一
惟以邑令敦請一詣鄉飲而已孫彬亦有文學仕爲教官黃通

志

鄭倫字宗得菴街蒔鄉人明永樂間舉賢良官鳳陽府倉副

使遷守交州時交州初定勸農桑修刑政交人向化

祝志

鄭宗維烏石人

志

宣德四年己酉領鄉薦仕政和縣學教諭

啟迪有方一時士類多所造就陞太平教授性醇厚善爲文

嘗典雲南文衡藩臬推重治家有義方其嚴諸子各能通經

以文學名子慈登成化辛卯科知臨武縣三年以內艱歸囊

囊如洗民誦其廉

阮通志引政和志

黃仲翁字壽昌龍眼都人

志

儀表凝峻情尚行檢雖見子姪

必冠服長於詩遊太學歸不仕所居環植花木自號翠軒關

稽古堂聚書萬卷

張府志

孫經舉應天鄉試

李英妙大櫓都人家饒於財讀書通大義正統己巳黃蕭養

作亂族兄有服農者竊從之拜僞千戶率其黨數十人至家

執英妙謂曰前日吾兩足皆塗泥今拜官矣弟盍從我耶英妙大罵曰汝盜也尙可言兄弟耶恨不斬汝賊怒遂殺之鄉民間變皆被脅從越月賊去子智女觀娘收其尸面猶如生

志申

梁富字東橋黃梁都人

志申

正統十四年黃蕭養作亂鄉人林

帝祿附之遠近煽動富激烈指陳大義民無逆志賊怒脇富降不屈復大罵賊賊殺之投崖門海中

張府志

英宗朝旌表義

民

國朝雍正己酉奉祀忠義祠

志

盧瑞字廷圭麻洲人

志申

少穎悟從同舍會賢遊有聲庠序正

統甲子同舉於鄉計偕北上賢道喪明瑞念老母在堂需祿

養遂就職得橫州學正送賢至家而後奉母就養人皆隄之

瑞善講經士皆解頤以內艱歸橫士從而來卒業者數十人

三

卷之三

列傳

明

三

三

三

三

三

三

三

服闋改高唐州州久無甲第瑞擇其秀穎者加意教之三年得進士二劉魁爲御史梁鏞爲給事中每語人曰吾輩非盧先生不至此秩滿士子羣送至三百里有抵京師而後返者考最擢思恩教授思恩乃羈縻州郡立學未久猶不能華言言必譯瑞諄諄訓諭無少倦用是積久而通貢太學者與柳慶無異張鼎志岑英以土人爲知府以宦遊士夫多求索往往輕之獨於瑞加敬歲飢從瑞請發倉賑之民賴甦會缺同知眾曰盧先生生我無以爲報請於英乞以瑞補英以聞於朝然已有岷府長史之除矣瑞至藩王與世子皆尊禮之僚屬卒隸受約束惟謹上下各得其懷心歲餘卒於官年五十四後藩府有事逮至都御史劉魁適典獄事訊及其人咸泣曰仇虛長史在豈有是哉

何圖源字希古小欖鄉人性樂善好施予正統七年游饑圖源慨然捐穀千石助官賑事聞志八年賜敕略曰爾何圖源能出穀千石用助賑濟朕甚嘉之今特賜敕獎諭勞以羊酒庶爲義民仍免本戶雜派差役三年志有司卽所居建坊表贈楹帖勒石鄉里榮之景泰中舉鄉飲賓卒年八十二國朝雍正間祀忠義祠志劉道延鄉本端高斗輔三人皆出穀六百石助賑命有司旌爲義民表其門志

李誠字成之小欖人讀書好義每遇歲祲捐粟賑鄉閭嘗拾遺金立俟其人還之不受謝佃執盜禾稼者誠勸以改行助之資本其人愧服感泣而去晚耽吟咏娛典籍舉鄉飲賓卒年九十一志

徐觀字瀾若麻洲人生而有神童之目九齡補邑弟子員景

泰庚午舉於鄉甲戌成進士時方弱冠廷對後請假完婚歷仕至南京刑部尙書郎觀性曠達不樂主組遂棄官歸築室

大石之陽賦詩見志詩文不事雕飾著有臨流集

申志

黃瑜字廷美仁厚坊人

申志

父泗母伍氏夢赤馬入室覺而婉

焉

謝廷舉行狀幼聰穎明尙書

暴志

陳東并以五經教授瑜卒業其

門事父母惟謹得其歡心遭母喪年十二哀毀如成人繼母

李敬奉如親母父喪踊泣幾絕水漿不入口累日送終之節

凡當時搢紳之所不能行者務盡其曲折景泰丙子舉於

鄉入成均以經行爲一時冠

郝通志

天順初天變求直言應詔

疏上六事

黃通志

曰正身則天下治曰正家則天下定曰正禮

則天下化曰正樂則天下和曰正賦稅則天下富曰正軍則

天下安凡數千言觸權貴將得罪賴吏部尙書王鏊戶部侍

郎薛遠擢之而免

張府志

直聲震盪一時

陳騏驎志

居京師八年

學士李賢邱濬輩皆器重之欲延入館閣不就作七誘以見

志行嘗中御史選銓部已將奏名矣其夜有俞姓者鑽刺奪

之殊不色愠曰吾名類彼姓安知始非錯耶成化五年己丑乃

授本省長樂縣知縣

通志

禮賢興學

郝通志

招徠流人洗刷冤

滯

林俊表

曰吾鄉人莅鄉人先化而後正之

張府志

初豪戶不

供稅莫可誰何知其出於里胥強橫果皆乘肩輿衣羅綺導

以征旆來見卽褫之於庭示以禮制闔境肅然有曾某將履

任挈舟來迓意必假以顏色尋以徵糧不完與眾同罰由是

通租匿役無有敢隱凡避患他境者還以數千計戶口旣滋

增置二里復增二倉而邑益富斯首以學校庠隘捐俸遷建

及橋梁驛傳鋪舍皆興修無遺暇卽與諸生講學課業長樂志

時富家多爲義官寒門乃充庠士思有以感動之因陳老人子入學躬送至其家世家以不見臨爲恥絃誦之聲徧洽科目久乏人自是曾瓊林廣連舉於鄉素所鑒別者也聽訟時公門大闢民或不持牒徑往赴訴鞭撻聞呼少孤者必流涕釋之尤憐獄囚每朔望必解桎梏櫛沐飲食之莫不感泣籲祝偶因公久出歸未抵城獄囚聞之歡聲如雷行兄弟有相訟者開導以固心之義皆涕泣受教退讓而去義官李允擒劇盜盧公林至謂曰盍爲良民乎曲諭數四卽破械放之允叩頭爭曰此賊爲害數十年矣縱放則流害滋大笑曰彼良心已動森不可遏非汝所知也公林果革心力田永不爲盜盜賊變壞殺人匿其屍訊不服法司欲從疑釋因請自訊忽蛭蟻折左股斃於硯謂曰汝折其左股沈黑水池中神

告我矣氓驚服其洗冤燭姦皆此類也

黃通志

邑舊多淫邪每

秋冬之交巫覡載道云驅瘴疫立禁止之其風遂革又多盜

賊以德化導牛羊盈野人無敢竊者有饋送土物雖至微不

受惟禽鳥則受而糲之民化其仁家無儲置網者恆相謂曰

黃父母恩德猶及羽毛而況於百姓乎避其嫌名至於舍黃

魚而不食

黃通志

御史龔晨旌爲諸令之冠

黃通志

以勁直忤當道民

夢留不可

黃通志

致政去士民思之

惠州舊志名宦傳

立生祠於學前

直街

黃通志

歸途經黃土嶺向所化盜盧公林者率子弟親肩

其輿過嶺曰黃公生我黃公生我

黃通志

其剛而能感如此

旣歸徙居曾城番山下手植槐二構亭吟嘯其中自稱雙槐

老人曰子孫能更植其一則吾志畢矣蓋帝蹤三槐也

申志

爲學以存誠爲本嘗自誦曰不欺人不欺心合內外而一之誠

也外此而徒有文章事業終小人耳置朱子語類及唐音杜詩於卧所晨起讀語類以析名理若則詠詩數章而後就寢於聲色紛華一無所好儒林錄嘗自晉山省稼回至白沙訪陳子獻章雨後躡草屨護鞋而往相見大笑談論竟日各賦一詩而別瑜詩云吟弄不知春已暮滿天風月玉臺巾蓋許以與點之意陳子詩云與話平生燈火事羞看白髮滿烏巾以瑜老猶耽六籍故云爾雙槐歲鈔卒年七十有三所著有書傳旁通歲鈔雙槐集附趙愈憲序其文近昌黎詩如樂天嶺南一大家也詩學者稱雙槐先生暨子幾孫佐三世俱祀

郡學鄉賢

儒林錄

鄭鴻字振儀蓮塘人年十五有聲庠序成化甲午舉鄉試第三人歷官試樂儲爲少宰鴻肺臍賦也客或諷之鴻正

色曰子徒知少宰能貴人獨不知人有良貴耶遂絕意仕進

卜築蓮臺下鑿池構亭徜徉自樂祀鄉賢

金通志

黃綸字世美黃梁都人

申志

成化乙未進士授大理寺評事審

議有能名陞廣西僉事未幾賦開會鬱林陸川寇起詔綸軍

門聽用定鬱林博白流民幾三千戶清無徵稅米二千石襲

殺歸化賊郭公才等與陶魯歐磐皆威行夷獫以功復前職

改江西僉事擒瑞州賊王宏湖廣賊姚明禮俱散其黨都御

史劉大夏總督兩廣以綸嘗有功廣西乃薦升副使兵備柳

慶南甯兼分巡右江道莅任卽卒

張府志

祀鄉賢

志子廷珍字

廬墓三年卒年六十三

申志

盧淵字光潛成化甲辰進士授江西新淦縣政暇與多士論

文每至夜分不休鄰封遠近之士咸北面焉嘗與郡守議地方利弊語多抗激守不懌因謂之曰朝廷設官尊卑相馭大小相維未聞等級不辨也淵抗聲應之曰官不論尊卑期於盡職事關民社豈容緘默如以任事爲侵官盡言爲犯上恐非朝廷命官之意語畢趨出卽解組歸以詩文自娛著有釣

叟集

張府志

鄭標烈烏石村人幼慧嗜讀書嫻武藝宏治間流寇入鄉攻其家父兄窘甚標烈率家丁禦之力戰死父兄免於難族人立祠塑像祀之同治初曾望顏額其祠曰孝勇

採訪冊

張金元黃旗都人由南頭寨把總歷任至廣海守備賊名黑骨腸船數百沿海流劫金元帥師力戰屢捷後竟以陣亡

中志

黃經字子常麻洲人平生而嚴重律身有禮自少至老手不

釋卷築稽古堂於東林山下自號山海子讀書談道邑多從遊者宏治己卯中應天府舉人以親老願得祿養任需益州同知旋授教職得泗州學正時御史詣學講書教官例應奉箴經不可卽致仕去著有香山志及溟陽第一州志淮泗一

覽小學節餘詩文共千餘首

張府志

祀鄉賢

黃繼字宗大瑜之子七歲善屬對鼓琴見者呼爲奇童十六歲補郡庠生嘉靖通詩春秋二經撫茹百家滌去陳語督學僉事張習稱爲古作然竟不能取合有司一夕同舍生攘雞邀之謝不往卽束書歸曰是固嘗業舉擯場者其行若此吾胡可侶哉乃告改邑庠卽以養親歸自是絕意進士舉隱居粵山之椒

阮通志引羅山志彙編

乃研九流通三才五行之蘊撰三五元

書始猶雜於佛老旣而讀邵子皇極經世深造其奧歎曰自

箕子以來合術於道其惟堯夫乎中遂盡棄宿習稽元微訂

律歷作皇極管窺十三篇張恆儒林錄知言者取以附諸皇極經

世之後謂於康節之學符合高公節撰宋作晚年潛心大易中庸曰

中庸易之疏義也太極通書定性西銘猶中庸也乃述易說

若干篇張府志蓋粵人著書之精奧者以畿爲最新廣東其論學

則曰前之三代由夏歷殷而文成於周後之三代由漢歷唐

而文成於宋名理純粹周宋其齊軌乎是故周至元矣道同

乎伏羲程至大矣見卓於顏子朱至博矣功亞乎仲尼再闢

渾淪不亦元乎心普萬物不亦大乎功在六籍不亦博乎又

曰孔門傳心之要一言而已慎獨是也故爲學必主於獨生

平未嘗袒露星月下夢寐中有不善語必籲天謝過暗室抱

寂終日臨妻孥無有惰色其所養蓋醇如也儒林錄天性至孝

先意承志惟恐不及父母有怒長跪叩頭俟釋乃起一味之

甘必獻廟奉親而後敢嘗

黃通志

母病額天懇禱蔬食者三年

病果愈

朱希周

居喪哀毀逾禮既葬日猶哭諸墓方晨有虎

突至前俯伏而去旁有山人廖翼見之大駭爲作感虎歌以

美之

歐曰前孝子遇於菟孝子慟哭不自覺氣吞於菟恰若無於菟初來威烈烈咆哮未發石欲裂須臾俯伏孝子

前叩頭致敬腰爲折吾傍旁觀股交戰孝子淚眼何曾見乃知至孝通蒼髮嘆爾於菟良有神凡田宅財帛

兄弟欲之卽與一無所靳

儒林錄

每合經史語自誦曰天下無

不是的父母世間最難得者兄弟人以爲名言捐己田七十

畝有奇爲義田以贍族鄉鄰或肆凌轢人所不堪退縮不與

校

黃通志

飲酒微醺卽哦邵子詩評者謂類康節云

大學士石瑤撰墓表

嘗言夢一冕衣裳者峰嶸如龍蜃可怖再拜告曰我鍾山神

也七七之際公當爲吾主人覺猶環珮璆然發書占之曰吾

他日其族殯乎正德癸酉秋與子佐計偕如京師至玉峽而

病笑曰七七之期至矣數也命也何壽夭問哉抵儀真而歿

年果四十有九

泰泉集先世行狀

別號粵洲學者稱粵洲先生嘉靖

甲午父老歿其行實上之當道揭名於孝友坊

黃通志

丙申家

人以其所著三五元書皇極經世書傳粵洲集諸書送察院

御史周煦歎曰此真隱居求志之儒也建逸士坊以旌之以

子佐貴贈翰林院編修祀鄉賢

家傳

黃佐字才伯四歲受孝經五歲能隨父譏執養親禮

張恆儒林錄

及就外傳問曰大學自綱領條目之外何以釋本末而不及

終始師不能答

嶺海名勝記

至十二歲而舉子業成乃更學爲古

文詞及皇極象數之學著座右銘正騷與會賦

黎民表撰行狀

學使

者以孔氏遺書命論題佐謂曾子發堯舜之所未發慎獨是

也中志正德庚午鄉薦第一作九州問以見志沈潛理奧至忘

寢食歎曰孔門之學知行並進豈可偏廢乎丁外艱日必至

墓所禱猶不食肉庚辰登進士明年世宗卽位始廷試選庶

吉士補林五試皆第一諸老奇其才以爲張平子王文考之

流也授編修志陳初政要務又請修舉新政疏皆留中明史本傳

康陵既祔大禮議興禮官毛澄議兄終弟及無追尊之禮宜

倣漢定陶王故事佐主其說署名牘尾異議者以爲黨名勝

冊封南渭王充嶠府副使事竣堅辭金幣歸家卽具出使

陳情疏未報促復命力疾還朝備北三年滿考贈父畿如其

官上省親疏力懇得允春出潞河與文徵明聯舟唱和甚適

便道謁王守仁與論知行合一之旨數相辨難明史佐

曰知猶目也行猶足也雖乃一時俱到其實知先行後守仁

曰君太信宋儒佐曰知之非艱行之爲艱豈宋儒耶夫子亦

曰知之未嘗復行也守仁歎曰直諫多聞吾益友也申抵家

上疏養病有司請修廣州志書成却幣辭宴史還朝會出

諸翰林爲外僚除江西僉事旋改督廣西學校史至蒼梧謁

軍門舊謁者必跪佐長揖撫臣不悅甫抵任與諸生發明理

一分殊之旨輯理學本源諸書頒行郡邑張府志修書院育人

材正士習毀淫祠行射禮舉節孝立鄉社卽獐獍子弟皆教

之風化大行志聞母疾乞休不俟報竟去下巡撫林富逮

問富言佐誠有罪第爲親受過情有可原史時大學士李時

薦佐有程朱之學宜充經筵講官世宗亦知佐名而部議謂

佐母老且病非詐止令致仕家居遠近學者踵至始闢寧洲

草堂以居之又以時人多宗象山謂朱子爲支離因折衷以

告之

曰朱子有萬世不易之定論亦有一時答問之言

日陰陽

其詳註者則非定論也如易曰一陰一陽之謂道本義

分道

謂之大小而謂諸子節義德性之功多又取其上天之

索等語

以解無極則非定論也論大學補傳曰物有本末知

本而已

學于古訓問于師友則知本知本則知至善知至善

則理欲

之格精誠然一矣然大學者謂博學可以為政其

引詩書

孔子以及羣言而誠意反諸身其本則一為要一以

貫之又焉

禮法是故博學以明之反身以作格物說以明本

誠之孔氏

之正脈也行狀參秦泉集

指窮大

記曰天生蒸民有物有則則也者理也達則欲也

矩之本

也曰盈天地皆物也將一一格諸曰否先其大者

本則身

厚則倫物格則萬物備於我矣理一分殊必自格物

始秦

佐學以程朱為主惟理氣之說獨持一論明史謂

泉集

天人一也陽動而水木以生育為功知仁交際而萬化出陰

靜而火金以制勝為事禮義交際而萬化入此謂全體太極

雖圖書

易範一以貫之而理氣奚二之有繼善成性之後吾

能存存

知及仁守則禮義是之自出教養生於吾心自然而

然乃明

命之受于天而流行不已者也自私自利之念萌焉

則不受

命故子罕言利以防其萌與命與仁則無行而不與

也

行狀教人以博約為宗旨盡得力於讀書典禮樂律詞章無

不該通故卽以此爲敎是時陽明方欲盡洗聞見之陋歸併

源頭一路宜乎其不能合也

黃宗憲明儒學案

巡撫陶諧薦佐文章

華國謀猷經邦諫臣董進第等以選進薦禮部侍郎呂柟以

宮僚薦皆爲議禮者沮之丙申冬以翰林編修兼左春坊左

司諫起於家

金通志云戊戌上命選宮僚史部尚書許讚至疏薦海內名士十人充之佐與焉起除中允

京師作九經正要敎充經筵講官遇事規諫

錄

尋進侍讀

掌南京翰林院召爲右諭德擢南京國子祭酒

明史

頒五倫條約禁超撥清廩餼以給諸生出舊著樂典使肄習學士張治

曰樂典一書蕭韶九成可復作也佐始爲此書夢夫子告以

知崇禮卑之說積思二十年始克成之

神自謂洩造化之秘

史明丁母憂歸廬於墓側

史明

服闋起少詹事謁大學士夏言

與論河套事不合

史明

或勸佐委蛇從時佐曰爵賞於君命豈

於天道長時也道消亦時也吾惟與道偕行而已中會吏部

缺左侍郎所司推禮部右侍郎崔桐及佐給事中徐歸御史

艾樸言桐與左侍郎許成名競進至祀謫詔罷而佐及同官王

用賓亦覬望宜皆止勿用言從中主之遂皆賜用吏佐下辨

志歸卜築禺山之陽從遊者日益眾日錄所聞中庸言解

語諸及門曰詞章之說勝始有無用之文虛寂之說行始

有無文之學魯論示人篤信好學始乎悅樂不愠終乎知禮

知命知言必真知之必誠行之乃成君子勝蓋佐篤信

孔孟而學貴力行志遊其門者人見之必推曰泰泉先生

弟子也張府志生平操履端謹模範嚴整居無惰容燕無嫖語

私第鄰府寺敲扑喧襍而處之裕如布帷木榻不求更新紉

繹經文每至夜分不休終歲少入私室少癯然晚更豐碩知

其所養充粹也通籍三十年在朝僅數載雖屏居有廊廟之憂周貧赴義意惟恐後增置義田以贍族人所至表孝義居鄉必爲言於官

儒林錄

臨事審密而能斷壬辰海賊許折桂寇

廣州至琵琶洲城門將閉佐畫策以授守者賊遂降城中有夷達官舍自永樂中安置供費不給武臣議裁革眾大噪刑白馬爲誓佐聞變亟出慰諭言於院使復其舊眾感悅楊指揮與三學生徒詬競歃血教場欲殲諸生佐言於鎮守平之城獲安安南莫登庸通使請封詔大臣處分有力言可取以覲進者佐示永樂征交事蹟且言當從其請以羈縻之後登庸效順兵費不損佐之力也會有詔廣州買香海舶不至責民爲香戶民多逃匿方伯張鏊率屬以請佐指授條約民悅願供香嶺外風俗日侈伏戎漸盛作鄉禮以寓保甲之法

鄉邦賴之丙寅七月疾革

考大

將易簀猶講易繫曰自天祐

之吉無不利當以王弼注爲是

中

作詩有氣完光岳身在

霄之句整襟拊帶曰宏毅之學當如是也小子識之乃卒

年

七十有七穆宗詔贈禮部右侍郎諡文裕

明

遺官論

祀鄉賢

張府

學者稱泰泉先生

儒林

子在中諸生在素嘉靖

乙卯鄉薦通判漳州在宏亦諸生

粵大

氏家乘

佐博綜今古究

心於理學經濟而修詞揆藻傑然爭雄藝苑嶺南人在詞垣

者瓊臺香山先後相望於是南越之文學彬彬比於中土矣

列朝詩集小

著書凡三十九種

見臺

詩會詮條貫取材於西

京割正於李唐研精於南宋其言奧以文其思婉而微粹然

一出於正

明詩綜引居文

爲南園後五子之師

嶺南

其弟子

多以行業自飭而梁有譽歐大任黎民表詩名最著云

明史本傳

香山縣志卷十三

孔門教人但云博文約禮至宋儒始行卽物窮理之說故佐時有目考亭爲支離者佐學本程朱而不貴雷同以博物爲宗先知後行其格物理氣諸論皆卓有發明惜舊志未顯茲蒼者尋章輯爲此傳補所未備云 祝志

黃晚字宗直明宣慰司副使從簡之曾孫也祖泗父珩皆德不耀晚幼失怙事母孝嘗隨世父瑜官長樂尉冠歸性純樸處家居鄉卓有令譽年二十三交趾構禍右都御史韓雍輯之而使難其人訪知晚有文武才召覈之信以千戶遣賫詔安撫至則宣布威德交之王臣拜舞遵順又見晚駢射絕倫享幣益豐辭不受復命韓將奏晚功於朝韓忽墨吏按韓與中員人黃不果與論惜之晚不介意林居課子孫此有隙被誣罷職年六十九

按黃氏家乘稱晚爲都憲雍初爲僉都御史又爲左副都御史及爲右都御史乃罷官是時蓋右都

史也

陳禧仁厚坊人

志

以才諳爲吏性剛果有爲仕夔州梁山典

史正德己巳藍賊寇蜀詔起都御史林俊秉鉞討之禧督兵

前驅奮勇先登大挫賊鋒於華隴賊遞乘勝追之搗其巢穴

而還中途遇餘黨力戰而死俊痛惜其忠勇爲文遣教官祭

之事載西川通志

申志

容師偃字得治悌與四世孫

申志

自少性純孝父春泉患癰疾

兄弟六人惟師偃侍朝夕扶持不離側武宗正德十二年丁

丑寇掠其鄉師偃負父而逃追者急父麾使遁泣曰父子相

爲命去將安之俄被執縱火灼其父師偃泣請代賊從之父

得釋而師偃焚死

明史孝義傳

時年二十一

蜀大記

何世睿字信斯父純庠生母鍾氏世睿姪五月而純先逝生

甫數歲而鍾又逝王母陳願復之會族人構難王母襁褓就
理郡城比五六歲夜燈熒熒終夕不寐等王母側口授書義
輒自句讀又豫商詰朝法庭作何告語輒能出己意爲應對
詞年十三著聲學宮深研性命之學而器量復汪汪千頃方
構難時或告貸百數十金不償怡然不問之嘗語人曰我輩
肯以廉恥二字共相勸勉念念顧惜則三代之風可復睹於
今日若蕩檢踰閑以示高放江流日下吾不知所救矣嘉靖
甲子子述忠述瓊同登賢書祀家廟因出夙昔家難構訟一
篋告祖焚之曰願吾子孫體吾志砥礪自修毋記怨者名年
五十三貢於鄉而卒以孫吾騶貴贈如其官

嘉靖甲午舉人就淮安東教諭

劉士騰字于朝大欖人

嘉靖甲午舉人就淮安東教諭

壬子分考浙江遷安仁縣縣當孔道苦送迎士騰繪圖上獻

請節費省役以恤民瘼報可卽創諸石豎縣門及紫雲驛地
多水災鑿渠道於錦江以決其暴積患遂止至今名劉公渠

張府志

何派行字應充

忠傳作方州

其先出宋狀元臬之後南渡來居小

機遂爲香山人自少昂然有出羣志夜誦三鼓不休父止之
派行長跪曰世德未彰兒敢墜青雲志耶長益博覽羣籍督
學固敏成試高等嘉靖甲午以易義中鄉試辛丑登進士奔
父喪哀毀踰禮起復授戶部主事歷員外郎中出知太平府
事地控閩方未易法制乃力爲振飭勵以清節士酋有爭疆
者饋以千金求左斷叱却之而正其罪又肅士習振頽風剔
衙門積蠹通小氓利便頌聲大作有直指索龍涎香弗應彈
調思恩時八寨劇寇負固恣睢以法繩之令毋敢撓壬戌人

觀蕭然一囊尋晉陝西行太僕寺少卿己丑再轉本寺正卿

粵大奉敕案視山西馬政具疏清釐額馬權貴皆畏之張府志

直指溫公諮以邊將賢不肖者率以直對不相裒毀頗爲時

忌竟以他事中之遂罷政歸山粵大舅氏某嘗往關說官事

謝絕之立促歸里後乃長跪請罪其介性如此申志三子份倣

倣俱太學生有時名粵大

楊維震字孟起補邑弟子員入國學選授福建沙縣縣丞維

震曰承佐令行政者也自人不以道任其職遂爲世所輕何

職之不可行道耶政事之暇讀書談文與沙士之知名者曰

相倡和縣令間以事相遺一無所染御史薦其績嘉隆間

薦丞自震始縣志維震嘗及黃泰泉門與修邑志泰泉集

王綽字梅吾千戶所智裔孫也以諸生中嘉靖乙卯戊午兩

科武舉襲祖職爲宣武將軍征討嶺西羅旁賊平陞昭武將軍移鎮澳門初蕃人之市中國也願輸歲餉求於近處泊船綽乃代爲申請其後蕃以貯貨爲名漸結爲舍宇久之成聚落綽以蕃俗驕悍乃就其所居地中設軍營一所朝夕講武以控制之自是蕃人受約束綽卒爲設位議事亭蕃人春秋供祀事焉子廣祚萬曆丁酉舉人

景志

余光裕字武可

原順德馬岡人籍隸香山

性孝友讀書經目成誦年十四

補香山邑庠掇嘉靖乙卯鄉魁

阮通志選舉表云香山志失載

從遊甘泉默

契體認天理之旨甘泉作三傑歌贈之屢因公車就懷甯教

諭正已率物以養貞操明義利究性命戒怠荒又擇士之秀

者作文會給供需因材造就士多丕變齊學耿楚侗雅敬重

之期以大受徵典廣右文衡所錄多奇士四十四年乙丑擢

湖廣桃源令丁外艱服闋補博白復丁內艱未任隆慶六年
改令廣西柳城下車革常例卻饋遺秋毫無染柳俗婚不親
迎喪不輟樂又多火葬悉嚴禁之清查隱占均平差役贏子
大蘇豪右屏跡獍民負險爲亂中丞視師容柳間光裕慨然
身任之擒巨奸數百撫降者以千計中丞上其功欽賜白金
文綺萬疋二十三年遷蒙化府通判政尚寬簡蠲租稅之逋
負者數萬緡尋欲告休父老子弟上書願留未幾進荆府左
長史上言慎威儀戒嗜欲等八事王敬重之粵大記著有詩文
集卒於官荆王誅曰嗟爾左輔樸忠是導民望國華人龍天
寶惜奪予鑑不遺一老顧此迅飈誰爲勁草順德縣志 賦

等致仕歸年
七十六而卒

麥揮字時化小攬人

男

少孤篤志向學弱冠食餽後慕宗慈

之風乃棄文就武嘉靖己未成進士授肇慶軍門贊畫征潮賊張通有功敘升鎮撫以母老乞歸巖居家食淡如也生平

博極經書尤精理奧著有周易講意

張府志

郭紹微字漢川嘉靖辛酉舉於鄉乙丑會試副榜任岑溪學教諭轉國學厯兵部司務所得俸置屋爲宗祠復捐已田之半爲祭田于尙敬申志字吉吾萬厯戊子舉於鄉初任海陽教諭升沙縣知縣景志愛民造士稱爲循良解組還杜絕私謁邑人欲還學以費重難之尙敬捐貲爲倡縣志著尙書約注學

者宗之俱祀鄉賢

景志

袁三接字平洲嘉靖壬戌進士司理盧州有平允聲入爲戶部主事考覈部事得失以卷呈堂多所爭辯久厯郎署轉光祿少卿應天府丞晉順天府尹

粵大記作應天府尹

萬厯初大璫銳意

開採珠池夜半遺書訪珠池之利三接艱然變色就燭前焚之越日伏闕疏論開採大爲粵害民生愁怨盜賊醜起皆由於是議遂寢未幾中使李鳳復以開採驛騷粵地而三接已卒時論追惜之

張府志

楊應魁字啟文嘉靖甲子舉人嘗讀書西湖踰年歸盡出其篋中舊稿焚之曰是不可公之同好也乃沉酣史漢而以韓蘇爲體戊辰禮闈已入選復黜嘆曰是有命焉非戰之有利鈍也歸家下帷益力遘疾卒

張府志

何述忠字惺宇小欖人

申志

與弟述璜同舉嘉靖甲子鄉薦少

有夙慧家無藏書古今人文詞咸就坊間閱歸錄之終身無遺忘者十上公車母容氏勉以祿養乃謁選浙江温州府判意每鬱鬱不自得至則進父老問地方阨塞振飭之尤重名

節捐俸新顏真卿祠自爲文表章林景熙唐珏遺事嘗進
生講學出豆羹共飯其誠樸如此郡有疑獄經二十年不
直指檄述忠覆勘盡得其冤狀闔郡稱平未幾母喪回里
甘貧樂道張府志監司表其門曰東甌遺愛卒年八十有八祀

鄉賢

何述鉉字調元小檀人同兄述忠弟述瓚皆貢才名有香山
三何之目兄弟聯翩舉孝廉述鉉獨同諸生著四書說者再
讀易緒論者三性至孝父喪哀愴幾絕三年足不逾口限自
是遂無進取意縣令嘗欲識之數年終不可得且遷任去謂
其兄弟曰不意金昆逃虛乃爾讀書五羊有醉而遺金者越
半載始得其人還之葬其先遺櫬之未舉者五世初艱嗣垂
暮舉三丈夫子其中子則吾騶也

申志

何述瓚字贊元束髮受書卽問聖賢如何人人皆可爲之否弱冠魁甲子鄉闈於經史諸子性理語錄日手書數十則以己意論述之遇格言要論矢志躬行工於詩尤善書法著有周易問介景堂文集崇禎間祀鄉賢

梁夢雷字震宇小欖人

志

廩生學識超邁爲文根極理奧萬

厯間謁選得肇慶訓導集國家典故如星厯禮樂兵刑錢穀使諸生分習之暇則支筇循行定山石室之間與何述鉉稱莫逆交以女配其子吾騶子中顯萬厯甲午舉人任刑部雲南司郎中贈夢雷如其官

張府志

鄭邦栻蓮塘人

志

性孝友補弟子員授徒講學遠近宗之父

喪旣葬廬墓三年遇諱日水漿不入口蓋終身孺慕者也以拔貢知廣西荔浦縣縣僻西陲民素頑獷而長吏亦以地遠

便爲姦利多無名之賦

張府志

邦棧一以德化導之蠲額外之

征春秋履畝勸課農桑

不期月

而其民大治復飭學宮勵

諸士以文藝是年邑生劉大業遂擢高第近縣土司恃險遠

每奪民田舍奴役之邦棧爲理論清復民田數千畝有以威

却其民爲臧獲者悉復之士民爲建革雜稅碑構勸農亭以

示不忘之意家居禮請鄉飲賓者凡十有九時萬厯中鄉評

猶爲近古邑中雖有耆年舊德無敢先邦棧者

張府志

王言香山所昭信校尉萬厯十年五月倭寇犯雞拍村言奮

志前驅生擒倭寇嘖嘖呢等二十餘名斬馘無算督撫優賞

言悉以所賞散之士卒三十八年隨征廣西多所斬獲後以

扶病出師死於戎壘

申志

何若麟字瑞遊萬厯舉人授臨清學正端士習勤月課捐修

學宮士風大振尋擢浙江新城令政教一新豪黠聞風斂迹

獄獄明決多所平反歲飢發帑賑濟調度有方復設學田以

贍縣弟子及他郡之來學者政成遷姚安通判會丁艱歸闕

門教子姪行義爲鄉黨所稱述

何吾麟字瑞虞邑廩生三中副榜縣令遣其子受業於

山書院未嘗干以私窮理格物究明人心道心之辨不以爲

失介介也以子邇道貴贈文林郎工部主事

唐政字文和麻洲人

父忽道喪政哀毀過節

廣光化縣令再升雲南順甯府通判

民不忍欺御史薦政卓異會母喪擢歸就道失辭謝禮因中

以法士民訟其冤既歸絕意仕進卒年八十有一

陳儒厥字葵日南山鄉人邑諸生居父喪哀泣喪明邑令涂文燿聞其事見之慰曰子行孝天必鑒子且旌其門越丙申居母喪哀泣愈甚而目復明卒年六十七

志祝

曹啟益字文泉山選貢歷官至知州所至有政聲宣績載麻哈州志解組後構亭北郭日與客觴詠其中客去掩扉臨池池水爲黑四方以縑素求字畫者殆無虛日晚年詩賦古文

詞益工

張府志

鄭士熙字我純濠頭人本浦江人先世宦粵遂家焉

申志性仁

孝幼失怙哀動路人奉母教惟謹弱冠餽于庠萬厯二十一

年選貢謁選得潮陽學博以端士習正文體爲急選山東長

清令會歲荒民飢輒開倉假貸蒿日溝瘠未忍追償法當免

民恐失士熙牛車擔負纏屬不絕旬日補足調湖廣城步縣

補通志

先是縣中有橫征陋例革除之勒石示禁每出童子百

十人迎拜馬首曰公實生我土熙笑撫之

志在署惟飲水茹

蔬老歸里家徒壁立

補通志

有侵其祖塋者邑令廉得實欲置

之法且檄令他徙土熙止之曰彼誠不直死者何知尹歎息

曰先生可謂厚德矣卒祀鄉賢

禁志

麥德孚字聚我小欖人

暴志

萬曆甲午舉人授桂平縣以作興

人材爲務修建學宮崇獎士類文風丕變歲飢捐俸賑濟不

足更典衣以繼之民有儲粟者德孚徒步登門勸其有無相

通全活甚眾一切陋規雜派極行請免以奏最行取未赴而

卒崇祀名宦

張府志

曹士選號太遠龍眼都人

申志

萬曆己亥選貢第一廷試第二

授浙江杭州府通判有清聲逾年丁外艱起補承天府通

判時藩王子弟恣橫虐民吏不能制士選奮不顧身爲民請命
蔭下稍稍斂戢民賴以安大吏以是委署府篆兼攝四縣
益勵精操勤於庶政案無滯牘獄無冤民尋復以內艱去士
民爲寢祠立碑

張府志

毛可珍字美仲原名元愷其先耒陽人洪武間從軍入粵後
征賀縣有功授香山百戶因家焉生而端懿申志萬曆癸卯舉
於鄉知縣暨縣在萬山中風稱難治可珍月吉讀法進父
老講仁讓政大和暨陽有義塚勢家溺謀與言欲盡奪之可
珍持不可鄉人名其地曰毛公地俗多溺女爲嚴連坐法由
是存活者眾貧民以男女爲質踰期沒爲奴婢可珍計其傭
直還諸父母調靜海時廬田久爲豪家私庄歲耗課額可珍
下車不數月宿弊頓清晚年高蹈不出卒年八十有八康熙

十有二年祀鄉賢

郝通志

李孫宸字伯襄小欖人萬歷壬子鄉試第二癸丑成進士授翰林院庶吉士乙卯予告還里營先人葬間登羅浮西樵諸山與樵牧狎處遊屐所至賦詠成帙庚申秋入京直起居注旋掌內書堂不欲與中涓作緣求改掌誥敕文詞莊嚴有體壬戌校禮閣得人稱盛先是神廟光廟相繼升遐班聯中門戶角立孫宸冊封藩府事竣歸里超然評論之外尋晉掌春坊左庶子奉纂修之命乙丑春赴京途次進南國子祭酒除納班准撥之例丙寅春晉詹事府侍讀學士教習庶吉士以節義相砥礪晉南禮部右侍郎攝禮戶兩尚書事中官矯旨命禮部鑒逆閹祠額孫宸竟寢不行崇禎初晉禮部左侍郎掌翰林院察典晉經筵充日講寓箴規於剖析申是時通

遵化告陷京師戒嚴孫宸忠義憤發上方略七事與閩寧同

官京師者守德勝門誓以身殉上疏捐俸薪簪耳助守城置

器械士之用各官多市馬爲出奔計孫宸曰君辱臣死買馬

何爲

黃公輔傳

庚午回部頒程式以挽浮靡禁異服以還樸茂

辛未知貢舉進士井濟文誤犯光廟諱及禮部主事馮起綸

回奏魏光緒參鄧之沛事俱下部從重議處孫宸代爲引罪

極力申救得輕議時論多之五月亢賜詔上書陳言孫宸具

疏有曰毋以意在振弛而間加重典毋以言者過當而遂動

嚴呵隱刺時政意倍婉切十月詔諸臣面陳時政孫宸備陳

陰陽消長大小往來國家治亂而外吏貪污繇撫按情面廷

臣廢弛因宦官干政反覆愷切晉南禮部尙書上地震疏再

申前疏所未悉舊制有寺田五百頃供陵寢香火爲豪強所

據孫宸清覈復舊額南國子生每大比例待北部發咨應試
癸酉科以他事通行察覆北咨未發孫宸疏請暫據南咨起
送國子生乃得與試甲戌秋三疏乞骸俱奉旨慰留孫宸還
山念切因賦金陵思歸百韻年五十有五卒於官贈太子太
保賜諡文介諭祭葬有五門人經紀其喪在官囊篋蕭然惟
古爐香帶各一鬻充殮殯其餘圖書字畫敝衣數襲而已性
孝友立朝居鄉廉介可爲矜式著有建霞樓集行世祀郡學

鄉賢

申志

何藻字采侯小欖人

申志

萬厯壬子舉人以母疾不肯赴會試

張府志

母曰汝第行也倘博一第邀朝廷祿養便可畢我一生

矣乃治裝然度嶺未幾托病返甲子丁母憂哀毀骨立幾不
能起申志後授普甯博士轉戶部主事督理山東臨清倉務倉

內用舊斛年久失舊制藻念民困已極爲請更新斛以便民
時中使督催山東四省糧餉按臨清藻抗禮不少遜中使銜
之飛章劾藻匿新斛用舊斛就逮詔獄及中使以賄敗得脫
詔復原官至戶部廣東司郎中著有普甯宦稿三卷西塘藻
刻二十卷臨斯集二卷四六新鈔五卷清署紀言二卷

志

蕭來鳳字敬韶萬厯乙卯舉人兩任龍川合浦教諭升知河

池州來鳳因其簡僻爲治吏民安之遷南甯同知

張府志

嘗警

邊事地近交趾有官兵鄉勇各五千悉統於州官

申志

來鳳

以書生將萬人嚴賞罰勤訓練無敢失伍及得代所過鄉落

老幼送於道者數百子欽相孫立俱以明經通籍

張府志

老幼

繆士傑號賓吾龍眼都人

申志

萬厯間選貢初任河內縣主簿

保國隄工升潁川衛經歷減耗羨平斗斛屯民賴之以清廉

敬愼者聞乞歸後閉門訓子歲飢減價糶穀作粥以食餓者
年八十三卒祀鄉賢子志文番禺訓導獎掖秀傑優恤寒儉
造士有方得蘇湖遺意

張府志

何吾騶字龍友萬厯丙午鄉薦四十七年己未進士擬鼎甲
改二甲四名由庶吉士崇禎初晉左春坊充經筵講官嘗進
講畜馬乘二節至無如之何句吾騶正色起奏上嘉歎之會
纂修神廟實錄成晉少詹事兼侍講學士歷官正詹事崇禎
五年擢禮部右侍郎六年十一月加尚書同王應熊入閣
溫體仁久柄政欲斥給事中許舉卿已擬旨文震孟爭之吾
騶亦助爲言體仁訐奏帝奪震孟官兼罷吾騶居久之唐王
自立於福州召爲首輔與鄭芝龍議事輒相牴牾閩疆既失
踰險回廣州永明王以原官召之爲給事中金堡大理寺少

卿趙昱等所攻引疾辭去卒於家

明史附王應熊傳

所著有元氣堂

詩文集三十卷經筵日講拜稽錄四卷周易補註四卷雲笈

軒稿二卷石刻楷書四種

見志

梁思誠字用孚黃梁都乾霧村人萬曆時寇犯境兄用欽遇難思誠懼傷父母心乃棄舉子業專意侍養自謂所居可隱因號居隱父母歿獨力營喪葬出三百金產爲嘗田供祭祀撫兒子如己子天啟間舉鄉飲賓長子應秋遊邑庠力學著圖書講意五卷順治戊子社賊起以梁氏世德素行相戒勿入其門

見志

伍瑞隆字國開大欖都西頭坊人性穎悟弱冠補弟子員闢

玉溪園白燕池於所居之南爲課誦所與同鄉李文介宗伯

何象岡相國諸人文酒唱酬無虛日

見志

領天啟辛酉鄉薦解

額中丁丑會試副榜授化州教諭聘修高州郡志以信史稱

擢翰林院待詔遷戶部主事再遷員外郎管倉場歷河南兵

巡道謝病歸

志

晚卜築於邑南鳩艾二山間號鳩艾山人著

有詩雲集辟塵草懷仙亭草金門草白榆園草遊梁草石龍

草鐵蓬草零樂林草鳩艾山近賦少城別業近草工書畫世

寶之弟瑞俊字有開以廩生官中書亦能詩

志

盧兆龍字本潛小欖人

志

天啟壬戌進士筮仕清江縣性嚴

毅廉介課農桑輕徭役免罪贖犯者赴官道旁植柳一株有

鞠士神殺淫僧諸異蹟遠近神之政暇則集諸生談說理要

行取工科給事中甲戌會試分考晉吏科都給事中掌計典

抗論權要直聲振朝野時大冢宰張捷疏舉呂純如兆龍率

六科奏章論呂名在逆黨并劾捷妄舉事遂寢前後掌諫垣

八年多所建白懷宗賜黃金百兩御書剛大精神直方氣骨

以寵異之冊封益桂兩藩著有桐封集遊五岳集

張府志

梁國棟字景升黃梁都人

申志

天啟甲子舉人授彭澤令廉以

持已敏以御物民懷其惠姦畏其威

張府志

咸稱爲鐵面梁公

甲申闖賊之變附逆者蜂起國棟擒獲僞官三僞印二左帥

兵所經州縣無不殘掠及過彭澤誠曰此梁侯境土也愼無

擾申志以母老求歸家居十二載讀書自樂年七十有一

張府志

鄭一岳字于廣父士熙嘗爲長清令生岳年十七與兄一龍

同餽於庠天啟丁卯舉於鄉崇禎十年丁丑成進士授鎮江

丹徒令徒邑當大江素號衝兵至一切徵發旁午調度有方

絕不苦累其民如吳中漕兌尤爲軍國重儲岳設法豫支遠

糴以備急之而後緩征以備倉庾由是課額屢登公私兩便

民甚賴焉時蝗旱連年流民四集捐俸賑之多所存活事暇
尤勤課文造士置田二百畝于香山書院以爲諸生膏火資
會歲饑邑紳萬編語太守有酒禁酒戶八十人鼓噪太守不
能止岳遣人治其首亂者乃寢又山賊抵境太守遣岳征之
岳毅然跨馬率家丁及兵役百十人夜往轉戰擒其渠魁賊
遂解散邑賴以安任滿會有旨以行取知縣練達民事可補
荒殘復召岳補山東單縣單齊魯僻邑是時民戶凋零豪梗
橫肆竟不由令置人獄中獄卒又穴地埋人半身立斃岳至
廉得其狀立置獄卒斃之杖下者四人邑稱大快未幾以母
年八十歸至南康舟次病卒祀鄉賢

金通志

區大緯字文昇由貢生授浙江安吉州同大吏廉其能領
餉三十萬入都路遇寇力禦獲免督權北新關商民感其德

政愛戴立碑頌之遷中書舍人升虞部主政乞終養闕浣花溪諸勝與鐵山諸子詩酒往還有紀漫草張府志予裔

另有傳

陳應義四字都人性抗直嘗面折人初號確松里人以其言

確且公羣呼曰確公

景志

盧志中恭常都人邑庠生遇朔望大集同姓子弟講孝友睦嫺任恤罰其不率者縣令表其門曰端

何子美邑諸生性純孝弱齡卽扇枕溫衾篤友于之誼父疾侍湯藥衣不解帶未幾父卒母亦見背諸兄相繼亡孑然一身負土營窆廬墓三年學使旌其門曰天性孝友

俱同上

何兆甯字仲軾邑庠生大櫬都人沉深有大畧嘗省季父吾騶於京師習聞天下大計益究心韜鈴之畧會上命禁旅討

賊河內兆甯遂請從軍所向馘賊以報

張府志

總兵官王樸拊

之曰儒者勇乃爾乎七年奏捷敘功授守備隨禁旅還居京師時兩廣方用兵兆甯以部咨赴軍門清剿盤古十八洞賊報功尋又與惠陽參將施王政犄角並進破沙子下岡諸賊復合楚師搗主簿崗殲渠散脅以兆甯功爲最授遊擊未幾復從總制沈猶龍征九連山八排諸峒設奇制勝多出兆甯計盡賊平厯陞參將轄肇標水兵援剿海上諸寇兆甯善用謀逞逞豫得賊情賊夕聚謀而樓船朝至矣賊以是破膽乙酉冬粵西兵起總制知兆甯可任大事獨召使畫策乃盡藏其哨船集漁艇溯上流火攻破之晉副總兵時溪峒土司蹶張犯隆安甯化諸縣制府以兆甯勇略爲諸將冠于是專師西徇多所擒馘丁亥夏率兵德慶駐舟楊柳沙與交趾轉戰

身被流矢奮躍波中而死兆甯起書生雖歷行陣猶手一編
不置平生喜畜視次第品藻各有銘識獨一片純白蕉葉寶
之與玉嘗曰此吾殉葬物也死時硯果裏甲間紳

涇人涇源明太學生通經史敦孝友負幹濟才而性樂聞
讀兄湘宦江西遇艱鉅事每郵書商可否涇多所贊益宗黨
或勸之仕曰有兄報國恩榮先人吾作山中人可矣愛龍聚
環山水移居其間嘯歌自得性好善聞風而化者甚眾邑宰
潘堤高其風屢延請卒不就益重之手書隱洲二字表其廬
涇因以爲號

採訪
附

楊晉字子書父歿六月而生四歲母何氏口授四書悉成誦
比入小學舉止如成人年十二補諸生與張家玉黎美周梁
未央結詩社白雲山寺稱嶺南四子崇禎癸未歲薦於廷直

香山縣志

卷十三

指柳寅東薦可大用特簡兵部司務異數也時軍興旁午晉區處精詳尋遷本部職方司主事以病予告歸甲申聞愍帝凶詔號慟不欲生母勸諭再四始進飲食五月留都踐阼閩部史可法薦晉不赴留都失閩王繼立黃道周瞿式耜先後薦俱上疏千餘言力陳時弊不能用罷歸著書教子足不踰閩順治八年

詔舉遺逸直指楊旬英力薦晉託疾辭

十一年復舉遺逸大司馬李率泰薦之晉獻詩云鐵崖久矣耽泉石乞放閒身侶白鷗率泰歎曰朱之謝枋得也重違其志益敬重之歲遺金帛後移督閩中猶遣官饋問晉性仁孝遇親諱日輒悲泣祀必豐潔以祖祠圯卧處廡下家人以爲言曰祖父未安其居晉何敢逸卒謁蹶新之母家何氏遺十餘柩未葬晉皆擇地窆歿族叔健侯暮年生子仲瀧臨卒令

妻子羅拜託之晉曰義有難辭何勞請屬惟力是視而已爲
治喪撫孤訓誡維嚴羣從眈眈弱肉卒畏晉不敢逞迨仲雍
遊澤異娶晉忻然曰十餘年心血猶懼弗克終今乃無愧矣
族兄景選與晉厚歿後遺子四人貧無所依晉皆教養成立
族叔君甯素任狹晉卹之甚至一日從晉桂海遇盜君甯善
處水戀晉不忍逃同被獲晉遺家書曰家破矣我與叔勢難
兩全贖叔棄子可也妻毛氏讀之哭失聲罄家貲兩贖之君
甯卒以忤賊斃晉力爲營葬捐產擇嗣焉持躬嚴危坐終日
無少怠好讀書恆至夜分不輟著有讀易日解六卷大易析
疑十卷性理指歸六卷

黃鶴仙撰傳

謹按阮通志藝文略引嶺南五朝詩選云晉貢生官
兵部司務致仕歸養因列其詩集於明祝志僅據暴

志謂晉於順治六年補考歲貢改列國朝今按五
朝詩選乃國初黃登所編登亦明末人其於晉出
處知之必悉又海雲禪藻所載多明舊臣晉詩亦列
入又按阮通志載明節婦何氏傳有晉長貢成均捧
檄色喜之文則晉之以貢生官兵部在前明無疑也
舊志不爲晉立傳今楊氏子孫以族譜來其家傳乃
明御史黃鶴仙所撰鶴仙自東山草堂稿敘次詳確
順治補貢之文愈知其妄且晉人我朝隱居養母
心跡昭然祝志承暴志之爲竟使遺荒遺老抱憾千
秋抑亦愼矣旣爲辨正如左選舉藝文仍列明季以
昭公允